

dito in perpetuo de Venexia et del destreto, et de Quarner et Menzo in là, et de ogni offici et benefici *ut supra*, et le altre clausule come in l'altra parte se contien. El questa ave 14.

Et sier Bernardin Coco vicecao de XL messe voler la parte de Consieri con questo, li danari auti uno terzo sia de Avogadri de Comun, uno terzo a la Pièla et uno terzo a do monasteri Santa Maria Mazar et San Joseph. El questa ave 15.

Et sier Piero Boldù et sier Marchiò Michiel avogadri de Comun messeno, che l'ditto sier Michiel sabado proximo in mezo le do colonne li sia taia la testa dal busto, sichè l'muora, et sia fatto restituir li danari di so beni *ut supra*, et annullà i atti *ut supra*. Et questa ave 3 et 2 non sincere.

Da poi li consieri et il Bragadin cao de XL messe che Catulo veronese sia confinà per anni 5 in Caodistria, et rompendo el confin et preso sarà, stii uno anno in prexon et torni al bando, qual alora principi, con taia chi quello prenderà et condurà in le forze ducati 300, et sia publicata. Ave : 40. Fu presa.

Et sier Vicenzo Morexini vicecao vol sia confinà per anni 5 a Brexa et El questa ave 6.

Et sier Bernardin Coco vicecao vol sia confinà a Retimo per anni 5, con taia *ut supra*. Et questa ave 4.

Et li Avogadri de Comun messeno, sia confinà per anni 15 a Puola, con taia *ut supra*, et sia pubblicada. Ave 6, et 15 non sincere.

2 *Item*, fu posto, de procieder, per li Avogadri de Comun, contra uno

Da poi disnar, adunca, *licet* fusse grandissimo vento, fo Pregadi, et letto le lettere venute questi zorni, notade in l' altro libro.

Fu balotà sier Donado Corner qu. sier (*Donardo*), tornato soracomito, haver ben servito. Et ave : 126, 1, 0.

Item, sier Alessandro Zorzi qu. sier Alvise, tornato soracomito, haver ben servito. Ave: 131, 0, 0.

Da poi el Serenissimo se levò suso, et narrò al Conseio la causa de esser stà chiamà questo Conseio in questo zorno.

Fu poi posto, per li Savi del Conseio et Savi a Terra ferma, che lo illustrissimo duca de Urbino capitano zeneral nostro, qual questo mexe de Zugno compie la sua ferma, sia reconduto per capitani zeneral nostro da terra con li modi et capitoli soliti, et de più, dove l'ha de conduta 250 homeni de arme et ducati 40 milia a l'anno, et cavali lezieri.....

li sia cresuto altri ducati 10 milia, sichè l' habbi ducati 50 milia a l'anno, et altri 50 homeni d'arme et 100 balestrieri a cavallo tegni. *Item*, a suo fiol el signor Guidobaldo, qual è de età de anni li sia dà conduta de 50 homeni d'arme et 1000 ducati de provision a l'anno, *ut in parte*. Ave : 114, 23, 4. Et fo sagramentà el Conseio fin doman da sera.

Fu posto, per li Savi del Conseio et Terraferma, 2* la commission a sier Jacomo Boldù va (*capitano*) in lago de Garda, qual è conforme a quella fo dada a sier Polo Justinian, *ut in ea*, et stagi per Fu presa. Ave :

Et altro non fu fatto, et fo liceutià Pregadi ad hore 23.

Et fo expedito lettere a sier Polo Nani proveditor zeneral et dato aviso de questa conduta, qual vadi a dirlo al Capitanio zeneral preditto, qual è a Roado sul brexan, et Et fo ordenà la posta non portasse alcuna altra lettera.

Di sier Polo Nani proveditor zeneral fo lettere da Trevi. Zerca danari, et se provedi. Nè altro da conto.

Da Brexa, di rectori, di 26. Con certo aviso de le cose de sopra. La copia sarà scrito quì avanti.

Non voglio restar da scriver, come sier Piero Boldù avogador fu quello che primo intromesse questo sier Michiel Trevixan qu. sier Nicolò suo collega avogador, per manzarie tolte, et l'ha convento, cussi *etiam* del . . . , uno altro avogador da chà Boldù, sier Antonio Boldù el cavalier, intromesse suo collega sier Domenego Bolani dottor et cavalier avogador, qu. sier Candian, pur per manzarie tolte, el qual non se lassò trovar et fuzite ; et nel Conseio de Pregadi fo placitado et bandito, come apar in la soa condanason. Hor questo sier Michiel Trevixan stava in prexon sora l'Avogaria con guarda, ma expedito, li avogadri lo mandono in prexon in azioù fusse più securò ; *tamen* mossi a pietà da li parenti, questa matina, con piezaria data de non scampar, de ducati fo riposto sora l'Avogaria con la custodia solita, et li starà fino el pagi li danari et sia mandà al confin.

A dì 2, la matina. El vento acquietò assai ; pur fo fredo.

Veneno in Colegio domino Zuan Jacomo di Leonardi orator del duca de Urbino, stà in questa terra, et l' altro domino Oratio Florido, venuto novamente, ai qual el Serenissimo li disse la reconducta fatta nel Senato del signor Duca per nostro capitano zeneral, et l'acressimento, et la conduta fatta a so fiol,